

## 2 MA KORINTOSE

### Ɔko Nyɔare Gɔ I Paulo Ɔtsere Ɔtã Ma Korintose

<sup>1</sup> Mme Paulo gɔ iki i Ƴaa kuɔɔe ame loɔe Bosate Kristo Yesu katɔmesedze gu wũ ɔnyii Timoteo lotsere ɔko gɔgbe botã Ƴaa mafɔdedze ma mpia i Korinto gu mma ɔɔɔɔ nɔe Ƴaa mare i Akaia karɔ iso mmɔ.

<sup>2</sup> Bo Ɔse Ƴaa gu Bosate Yesu Kristo si matã mi abualera gu isobue.

#### *Paulo Ɔpe Ƴaa Siba I Inyewe Ame.*

<sup>3</sup> Mitã bope Ƴaa gɔ nɔe Bosate Yesu Kristo Ɔse siba, nnyainyɔ Ɔse gɔ kɔre i bo ibuai ɔɔɔɔ se ibɔre.

<sup>4</sup> Ɔse ɔpia bo kɔrɔ i kayiri i inyewe biara ame sɔ bo wũ boawo bo malaa ma mpia i inyewe biara ame ɔbuai. Ibuai ne igbã bofo i Ƴaa kɔre ne, ne ame igbã boasu bobuai maturi ne.

<sup>5</sup> Kumegɔ ame boba kaɔekɔ i Kristo inyewe gbodzoo ame ne, ngbɔ ame iki i Ɔ ame bose bona Ƴaa ibuai siare ana ne.

<sup>6</sup> Si mabara bo ɔtile ne, mabara ngbɔ sɔ si Ƴaa aabuai mi, ɔfo mi ɔpia ngbã. Si mabuai bo ne, mabara ngbɔ sɔ si Ƴaa aabuai mi sɔ miawo ɔya teteree i inyewe kanya le kumegɔ bo wũ bose boya teteree i inyewe nɛmɔ igbã kanya.

<sup>7</sup> Boba ɔriinyɔ ne loibati inya i mi ame alaso boɔe sɔ kumegɔ ame miwe inye le bo ne, ngbɔ ame ana i Ƴaa aabuai mi le ɔbuai bo ne.

<sup>8</sup> Wũ manyii, bobie sɔ bonyigira mi inyewe ne bona i Asia karɔ̃ iso. Mabara bo amumuɔ sɔ ɔle ɔro bo iso fie boyu ɔriinyɔ sɔ boakpese bowe ngbã kɔra.

<sup>9</sup> Ibara bo le kukpi ipɔ maɔtã bo! Ƴee iba ngbɔ sɔ si boasu bo ɔriinyɔ bosia i Ƴaa gɔ nse ɔtara makpise ɔbɔ ngbã iso ne, iide bo mɔmɔ iso.

<sup>10</sup> Ɔɔɔi bo ɔbɔregu i kukpi ɔgba ame fie ɔto ɔɔɔi bo ana. Gbaã ne, boto bonyɔ ɔri sɔ ɔto ɔɔɔi bo ana,

<sup>11</sup> ala miɔegu bo i kayi ikparama ame. Iyɔ maturi gbodzoo aape Ƴaa siba i bo iti sɔ ɔnyɔ bo nnya ɔkã kayi ikparama gbodzoo atsue.

*Paulo Ɖɔɔe Nne Ɖso Ɖfinikira Ɖ Adzuni.*

<sup>12</sup> Nne ɔso bɔse boɔe ndamu nde sɔ, bo situ iise sitã bo ipɔ alaso bomɔɔ sɔ bola i maturi ɔɔɔɔ gu titirio mi ndɛ. Iide maturi inɔgba ame i nnegebe ɔbɔre, ɔee Ƴaa nse ɔnyɔ bo nnya sɔ boabusi bo situ boɔere mi ɔnukuare.

<sup>13-14</sup> Ara wa miawo ɔka ɔno karɔ̃ kere aɔe bɔsere botã mi. Atoa sɔ kiniɔ ne miino bo karɔ̃ miro. Nto lonyɔ ɔri sɔ miaba miano bo karɔ̃ ku ɔwi gɔ i Bosate Yesu aaledza iba fie miade ndamu i bo iso le kumegɔ bo wũ boade i mi iso.

<sup>15-16</sup> Gɔ loɔe nnegebe kukaako ɔso ne, lobara adzuni sɔ si loto lofe Makedonia ne, tee loaki i mi kɔre fie si lookpese ana ne, loaledza mmɔ iki sɔ miadi me ɔri fie loakele Yudea. Si iba ngbɔ ne iyɔ miana isoɔɔ ikpe inyɔ.

<sup>17</sup> Gɔ lobara adzuni wamo fie lofinikira wã ne, iite sɔ nto lokpɔkpɔtɔra mi i wũ adzuni ifinikira malamala ame sɔ loɔe aĩ lokpese loɔe sɔ ooɔo le kayiiso maturi awe.

18 ƳEE LE kumegɔ i Ƴaa se ɔbara i ɔ itɔme iso gbaã ne, ngbo ame i nne botsere botã mi iide aĩ gu ooɔo ne.

19 Ƴaa ɔbi Yesu Kristo gɔ iso itɔme i mme gu Silvano gu Timoteo ɔɣere mi ne, ɔide aĩ gu ooɔo ɔturi ɣee ngɔ nse ɔɣe aĩ ɔwi biara ɔde.

20 Alaso ɔ nde aĩ ɔtã Ƴaa itɔme biara ne ɔɣe ɔse i bo iso. Ne ɔso fie iki Yesu Kristo iso ne, bose boɣe sɔ, “Si iba ngbo,” itã Ƴaa iyere kato ikole.

21 Ƴaa ɔtã sɔ bo gu mi ɔduɔu de mawẽ ku Kristo fie ɔ mɔmɔ loɔi bo ɔse ise sɔ boabara ɔ karabara.

22 Ɔ ɔde lose bo ikpo sɔ ɔ mare boɔe gɔ ɔsu ɔ Siwarã Bielea ɔpia i bo ame. Siwarã dzegbe nde ayaikama itã ara wa ɔledza ɔse ɔtã bo ne.

23 Ƴaa mɔmɔ ɣe sɔ nto loɔɔe mi fie nnya kere lonyɔ mi ɔso loiba Korinto.

24 Boito bobie sɔ nne bofo boɔe ne, boasẽ bopia mi, ɣee boto bobaragu mi karabara sɔ miana isoɔo alaso mi kafɔkade ɣe teteree koko.

## 2

1 Ne ɔso lobara adzuni sɔ loito loba mi kɔre loba loapia mi isoma ne.

2 Alaso si lopia mi isoma ne, nna loakpese ɔpia me isoɔo? Kuwẽ siina idɔ mi ma ame lobie situ.

3 Ne ɔso lotsere ɔko gomɔ losese mi ne. Ala loibie sɔ loaba loapia mma ame lopia me isoɔo isoma. Alaso lofo loɔe sɔ si loba isoɔo ne, iyɔ mi wũ miba isoɔo.

4 Gbaã ɔko gɔ lotsere losese mi ne, lotsere wũ ku idaa gbodzoo gu ɔtu gɔ mba ɔrɔrã gu nnɔme

gbodzoo. Iide wũ adzuni lođe sɔ loapia mi isoma, χεε si lote mi kumεgo loto lođɔe mi.

*Paulo Ɔsu Kpibaradze Ikpi Ɖtse Wũ.*

<sup>5</sup> Ne ɔso si ɔrere ikpi ibara ɔpia mi isoma ne, iide wũ ɔnɔwẽ ide ɔpia isoma, χεε boawo ɔχe sɔ ɔpia mi ɔduɔu isoma. Loito lobie sɔ miafe wũ inyagalagu.

<sup>6</sup> Ka ile sɔ mi kase siare ɔɔkpadzẽ wũ kutsue koko.

<sup>7</sup> Kinio ne, ka misu mitse wũ si mipia wũ katetere sɔ ɔibabo i imararãso ame itã ɔkpese kama pelepele.

<sup>8</sup> Loto mi i kukpa sɔ miɔi mite wũ sɔ mito miɔɔe wũ ipe i kinio.

<sup>9</sup> Ne ɔso lotsere mi ɔko sɔ si lodzuĩ kumεgo miχe teteree gu si mito mibie sɔ miabara i ara wa lote mi iso.

<sup>10</sup> Si misu ɔrere ikpi mitse wũ ne, iyo mme wũ losu lotse wũ. Fie si irere pia kora go loasu lotse ne, loasu lotse i Kristo katõ ala mi ɔso.

<sup>11</sup> Nnεgbe loatã sɔ boatẽ Tsirise ɔri sɔ ɔibana ɔri kuwẽ i bo iso alaso boχe õ siri lalaa.

*Paulo Ɖbie Sɔ Si Ɖnɔ Itõme Ɖbɔregu I Tito Kɔre.*

<sup>12</sup> Ɖwi go loba sɔ loayε Kristo Itõme Bielea i Troa ne, lonya sɔ Bosate ɔbusi ɔri sɔ loabara õ karabara i mmɔ.

<sup>13</sup> Yεε wũ ɔtu iitã me iwarã kuiwẽ alaso loinya wũ onyii Tito i mmɔ. Ne ɔso lomala ma so lorui lokele Makedonia.

*Kristo Ɖtã Sɔ Bođe Iso.*

14 ҮЕЕ бопе Үаа сiba сo iki i kumегo bobara mawē ku Кристо оso ne, оse око bo owi biara сo boasiai Кристо ле ð maturi ma оmoē i kakpā ame. Fie Үаа се оки i bo iso оди Кристо оte kayiiso одуду ле kumегo ira се iforē kōrkōrō i kakoi biara.

15 Bose ле kua kōrkōrōa го i Кристо оtsuedza отā Үаа fie bo iforē се iki i maturi одуду ndē, mma lona idi gu mma nto mawo.

16 Mma lona idi ne, ide iforē kōrkōrōa ne nse itā ngbā. ҮЕЕ mma nto mawo ndē ne, ide iforē nyanyarīa ne nsegu kukpi. Nna lokote сo ðawo karabara gagbe оbara?

17 Boise ле maturi gbozoo ma nse maki masu Үаа Itōme made ala kuḡa. ҮЕЕ го Үаа lopia bo katōme оso ne, boto boḡe Itōme i onukuare ame ле Кристо maḡabo.

### 3

1 Nnegbe оte сo boto bole со? Boise ле mawē ma nto mabie kakosei ga loadi ma kate mi ḡee nga boafō i mi kōre bote maturi mama.

2 Alaso mi mōmō nde bo око го boba, око го matsere masia i bo situ iso сo оbiara aatsue onya oka.

3 Ite sekelee сo Кристо mōmō lotsere око гоḡbe оsese оkigu i bo iso. Iide отuri kōrō matsere ala ḡEE Үаа го mba ngbā Siwarā masu matsere ala. Iide ita ana iso ide matsere masia ḡEE maturi situ iso matsere masia.

*Үаа Оbara Bo Ndamu Үете Maḡabo.*

4 Boto boḡe ngbo ala katetere ga boba i Үаа ame iki i Кристо iso.

<sup>5</sup> Bona kaira ne iso boaya fie boayɛ sɔ ne ɔso bose bowo karabara gagbe ɔbara. Yee Yaa kɔre i bo ɔle se ɔbɔre.

<sup>6</sup> Ɔ lotã bo ira biara ne lonya bo sɔ si boade ndamu yete maɖabo. Maitserɛ ndamu yete megbe mase, yee Siwarã ame ipia. Ndamu me matsere mase ne, mise miɖɔe ɔturi, yee Siwarã se sitã ngbã.

<sup>7</sup> Ɔwi go i Mose ofo Yaa mmara ɔbo ne, mme matsere masia i ita iso fie mise mitã bo kukpi ipɔ ne, ɔ ifie ɔtã sɔ Israel mabi iiwo wũ katɔ ɔnyɔ. Atoa sɔ ifie nɛmɔ se iyu si iɔfo ɔwi. Si mmara me nse mitã kukpi ipɔ segu ifie siare nɛmɔ igbã ne,

<sup>8</sup> nda i Siwarã ame kurabarara go lomɔ kuɖo pelepele aafie!

<sup>9</sup> Fie si mmara kuere me nse mitã ɔturi kukpi ipɔ to mifie ngbɔ ne, iyo Itɔme see ne nse ibara bo bɔlɔlɔ to iafie teteree iɖo.

<sup>10</sup> Boto boɛ ngbɔ alaso ikpawai siare ne ame bopia nɔme ɔmɔ iɖo ikuere ne lowe kokooko.

<sup>11</sup> Fie si ira ne ɔwi nse ofe ofie ngbɔ ku ɔwi gɔmɔ ame ne, iyo ira yete ne ɔwi loise ofe aafie iɖo kokooko.

<sup>12</sup> Ɔriinyɔ negbe boba ɔso fie kagbegbe iise kati bo ne.

<sup>13</sup> Bo boise le Mose go nse ɔsu ɔkati ofu so katɔ sɔ Israel mabi si madaanya sɔ Yaa ifie ne mpia wũ i katɔ to iro.

<sup>14</sup> Gbaã iɖe sɔ ma adzuni ame iibusi alaso ipe i nɔme ne, ɔkati gɔmɔ fu ma i adzuni iso si mato maka ndamu kuere ɔko gɔmɔ. Ngo lobara mawẽ ku Kristo ɔnowẽ adzuni iso i ɔkati aabe.

<sup>15</sup> Gbaã ipẹ i n'ome si mato maka Mose mmara oko ne, okati fu i ma adzuni iso so maisẹ manọ nne mato maka karõ.

<sup>16</sup> ẸẸ si orere ofiniki obore i ã akpi ame ofo Kristo le Bosate awe ne, okati gomọ se obe i ã adzuni iso.

<sup>17</sup> Kiniọ ne, Bosate go boto bokpere ngbe nde Ẹaa Siwarã, fie ngbegọ i Ẹaa Siwarã pia ne, maturi ba iwarã.

<sup>18</sup> Bo ma odudu i kuira iifu i adzuni iso ne, bose boḍi Bosate ikpawaĩ bote kukaako. Fie Bosate go nde Ẹaa Siwarã ngbe ne, ã nse ofinikira bo nsegbai so boare wũ bofiẹ teteree bobua ne.

## 4

### *Bose Le Abui Pọa.*

<sup>1</sup> Go Ẹaa onyo bo nnya fie osu karabara gagbe opia bo i nroõ ame oso ne, nroõ iise mifẽ bo.

<sup>2</sup> ẸẸ boḍi atsue i awerera gu anuarera iso, ana ne, boise bososola maturi fie boise bofinikira Itõme Bielea. ẸẸ bose boḍe onukuare fie si maturi iibawe adzuni nyanyarĩa i bo iso ne, bose bote nsegbai see i ma anọ le kumegọ boate i Ẹaa anọ.

<sup>3</sup> Si Itõme Bielea ne boto boḍe de iwerera ne, ide iwerera itã mma nto mawo.

<sup>4</sup> Mma loifo maḍe ne, Obosam obie ma anomi. Obara ma ngbo si maibanya ikpawaĩ ne lobore i Itõme Bielea ame ito ifie ifere ma iso so nne boto boḍe i Kristo go nde Ẹaa kumiamia iso ne, maano karõ.

<sup>5</sup> Boise bowe boki boḍe bo momo iso itõme, ẸẸ Yesu Kristo iso itõme boḍere mi so ã nde Bosate. Bo ne, mi maḍabo boḍe ala Yesu oso.

<sup>6</sup> Ҳаа го лоҗе ку кайи карѳкасекѳ со, “Ikpawai si iba i idududu ame” ne, ѳ ame lotã ѳ ikpawai ѳfie ibo i bo situ ame ne. Nnegbe lotã bonya Ҳаа ikpawai ne mpia i Kristo katѳ bodji ite ne.

<sup>7</sup> Ҳее бо ма аме i Siwarã аме карана gagbe pia ne, bose ле abui wa mapo kere. Ne loatã ѳbiara ѳnya со ole siare gagbe ne, iide бо momo ame ѳbore, Ҳее Ҳаа kore ѳbore.

<sup>8</sup> Inyewe ѳmini бо ito i kakoi biara, Ҳее ole iiro бо. Mase makpokpotoora бо, Ҳее nroѳ iise mife бо.

<sup>9</sup> Matsirise siai бо со maadoe, Ҳее Ҳаа iidi бо atsue. Mamoe бо mawui i karѳ со si maadoe бо, Ҳее boikpi.

<sup>10</sup> Љwi biara ne, boba inyewe ne lore Yesu kukpi со ѳ ngbã aate со i бо аме.

<sup>11</sup> Gbaã, i бо ngbã ме bosu ѳdudu аме ne, bosu i kukpi ifo аме ala Yesu ѳso. Ne ѳso Yesu ngbã ana se midji mite i бо siturina аме со maturi аnya мади ite.

<sup>12</sup> Ne ѳso kukpi to kudaa бо ѳwi biara, Ҳее mi mito mina ngbã.

<sup>13</sup> Matsere i Љko Sekelea аме со, “Lofo Ҳаа loje, ne ѳso loto лоҗе ѳ itome ne.” Siwarã dze аме lotã maturi ѳfo маде ne, se аме mpia i бо аме ѳso boto boje itome ne.

<sup>14</sup> Boje со Ҳаа го lotara Yesu ѳboregu i makpise аме ne, ѳto ѳatara бо gu mi ѳboregu i makpise аме ѳsu ѳbo Ҳаа katѳ.

<sup>15</sup> Mi isee ѳso i ara wagbe ѳdudu ѳba ngbo. Fie kumego i Ҳаа abualera togu maturi iko ibo Kristo kore ne, ngbo аме i Ҳаа iyere aafu kuware ne.



*Boto Boana Kuware Gu Isoyo Siare.*

<sup>16</sup> Adzuni wagbe ɔso boise bofẽ ne. Atoa so bo siturina to sikpi pɔkɔsoo pɔkɔsoo ne, bo siwarã to sina ngbã xete ɔwi biara.

<sup>17</sup> Inye kekẽi ne boto bowe kinio iito iawe ɔwi biara. Ito iledza bo itã kuware siare go maatã bo fie maibawo kura ɔsu ɔkoteragu.

<sup>18</sup> Ne ɔso boisu bo anɔ bosia i ara wa boto bonya iso, xee nwa boito bonya. Ara wa bose bonya ne, aise ase ɔwi biara, xee nwa boise bonya ne, ase ase ɔwi biara go ana kawirikõ.

## 5

<sup>1</sup> Si bo siturina dze nde iyo ne ame bosu i ngbã megbe ame ɔbie ne, boba iyo ne mba ole i Yaa sigarakadekõ. Iyo ne iide nroõ masu matsue ala fie iase ɔwi biara.

<sup>2</sup> ɔwi go ame bopia i siturina dzegbe ame ne, bose bowaã bokuti. Boto bonyo ori teteree iyi ne boase boasu Yaa sigarakadekõ siturina.

<sup>3</sup> Si bokete siturina dzemo ame ne, boisibase isõ.

<sup>4</sup> Alaso go bokpese bopia i kayiiso ikpayo negbe ame ne, boto botorẽ, bomararã so. Iide go ito bo okã so boabore i siturina dzegbe ame ɔso, xee go boto bobie so masu kato siturina dze loise sikpi mapia bo so ira ne loise ikpi aaba iasu nne nse ikpi ime pelepele.

<sup>5</sup> Yaa ɔde loledza bo ose ɔtã ikpaki negbe igbã fie ɔsu õ Siwarã ɔtã bo le ita isiara itã ara wa ɔledza ose bo.

<sup>6</sup> Ne ɔso boba ɔtu ne. Boye so ayi kumego bopia i sosina ame ne, boito bonya Bosate ku anɔ.

7 Kafokade gagbe bosu bosu ala ngbã ne, iide ara wa boto bonya ala ano kare kade.

8 Boba katetere fie ito bo òkã sò boabore i siturina ame bokelè boawegu Bosate.

9 Yee nne boto bobie bođo nde sò, ngbe bopia o-o, kato bopia o-o ne, boabo Bosate ano.

10 Alaso bo oduđu to boaya i Kristo ano oxegu bo atõme fie obiara aafò ò kuso gò lokategu ò kurabarara. Isee o-o, ilalaa o-o ne, obiara to òafò nne lokategu ò ngbã me igbã ose.

*Mitã Sò Yaa Afere Mi Gu Wũ Kanya Ndu.*

11 Gò boye kumego ikote sò boanigã Bosate oso ne, bose bope maturi nroõ sò ma wũ manigã wũ. Yaa xe bo kukaako fie lofo lođe sò mi wũ miye bo nsegbai sekelee.

12 Iide òle boto bole so ana bote mi, yee boto botã mi ori gogbe sò miasu bo miđe ala ndamu. Boto bobara ngbò sò si miatsue nne miayere mma nto masu oturi kumiamia makole so kato fie iide ò nsegbai.

13 Si bore mma nto malala gbaã ne, Yaa oso ise bo ngbò. Yee si boito bolala ne, ide kusia itã mi.

14 Kristo kudpe nto kude bo iso. Kiniò gò boye sò oturi owẽ lokpi i maturi oduđu iti oso ne, ite sò bo oduđu okpi.

15 Kristo okpi i maturi oduđu iti, ne oso mma nsi ngbã ne, maisibase ngbã matã so. Yee maase ngbã matã wũ, alaso ma iti okpi fie Yaa otara wũ obò magbanadze ndẽ.

16 Nnegbe oso ne, boise boyegu kuwẽ atõme i kayiiso ara inyò kanya. Si owi gò lofe kora

fiε boχεgu Kristo atōme ngbɔ ne, boisisε bobara ngbɔ kinio.

<sup>17</sup> Ne ɔso si ɔturi ɔsu so ɔmatāra i Kristo iso ne, ɔɔkpese ɔturi χετε. Ɔ ngbā kuere ɔɔfe, miχετε ka ɔsi.

<sup>18</sup> Ƴaa ɔɔɔe lobara ara wagbe ɔɔɔɔɔ. Ɔfere bo gu wū inyɔ kanya ndu iki i Kristo iso. Ɔ ame losu kanya ndu ifere kubarara ɔtā bo so boakɔ maturi mama bobɔ Ƴaa kɔre ne.

<sup>19</sup> Bo imomo ne boto bope nde so, Ƴaa ɔki i Kristo iso ɔto ɔledza ma gu maturi ɔɔɔɔɔ inyɔ ndē. Ɔɔkpa atsue ɔfu ma akpi ɔɔɔɔɔ iso fiε ɔsu itōme ne loaledza ma gu maturi ɔɔɔɔɔ ndē ɔtā bo.

<sup>20</sup> Bo nde mma nχe i Kristo kanya, ne ɔso Ƴaa ɔki i bo iso ɔto ɔka mi. Ne ɔso boχe i Kristo kanya le Ƴaa mɔmɔ nto ɔtā mi iti so mitā mafere mi gu wū inyɔ kanya ndu.

<sup>21</sup> Kristo iibara ikpi kuiwē, χεε bo iti ne, Ƴaa ɔtā wū ɔsore bo akpi. Iatā so si bobaragu wū mawē ne, boade maturi bolɔlɔa i Ƴaa anɔ.

## 6

<sup>1</sup> Le mma nto mabaragu Ƴaa karabara ne, boto mi i kukpa so midaafɔ Ƴaa nnyainyɔ siefe.

<sup>2</sup> Alaso Ƴaa ɔχe so,  
“Ɔwi gɔ lokote so loanyɔ mi nnya ne, lokā mi atsue.

Fiε gɔ iyi ɔχɔ so loadɔi mi ne, lobuai mi.”  
Mikā atsue! Kinio nde ɔwi gɔ lokote so Ƴaa aanyɔ mi nnya ne. Nɔme nde iyi ne ɔadɔi mi ne.

*Paulo Inyewe.*

<sup>3</sup> Boito bobie so kuwẽ aanya iḡere kuiwẽ i bo karabara iso. Ne ɔso boise bobara kaira ne loatẽ maturi Ḳaa kore iba ori ne.

<sup>4</sup> Ḳee i ira biara ne bose bobara ame ne, bose boḍi bote so Ḳaa marabaradze boḍe. Ne ɔso boya teteree i amɔrẽ gu inyewe gu kama iti ame ne.

<sup>5</sup> Mapɛ bo, mapia bo i iyo, mapie bo fie matã bo karabara maḍodza. Boina sire bore fie kukã ana ɔkpẽ bo.

<sup>6</sup> Ḳee iki i isekele gu inɔgba gu iḡaraso gu kayiribielea ame ne, boḍi bote so Ḳaa marabaradze boḍe. Idua i nwagbe iso ne, Siwarã Bielea gu bo kuḍɔe bielea gu

<sup>7</sup> bo ɔnukuare itõme iḡe gu Ḳaa ɔle se ɔbuai bo. Bo nsegbai see nde bo kakpã akpẽra wa bose bodzuẽ so ala.

<sup>8</sup> Mawẽ se maware bo fie mawẽ ana se masopara bo, mawẽ se male bo fie mawẽ ana se marɔ bo iyere lalaa, mawẽ ana se manyɔ bo le maladze awe, Ḳee ɔnukuare boto boḡe.

<sup>9</sup> Maturi se mabara le maiḡe bo, Ḳee maḡe bo i kakɔi biara, mase manyɔ bo le boḱpi Ḳee le miḡe ne, boba ngbã. Mapɛ bo, Ḳee maidɔe bo.

<sup>10</sup> Atoa so bopia i isoma ame ne, so ɔḡɔ bo ɔwi biara, bonyɔ le mawereba, Ḳee bose botã maturi ɔkpese maranase. Bose le mma nna kaira Ḳee boba ira biara.

<sup>11</sup> Manyii ma Korintose, boḡere mi ɔnukuare ta bo situ ame fie boware nrɔɔ bofo mi ana.

<sup>12</sup> Iide bo loḍi mi nrɔɔ ne mi momo nto mikora kama mitã bo lo!

<sup>13</sup> Nto loḍe mi ika le wũ mabi awe. Kumego boware nrɔɔ bosõ mi ne, mi wũ miware mi mire mitã bo ngbo.

*Mafɔ̀dɛdze Gu Mma Loifo Maɔe Si Madaabara Mawẽ.*

<sup>14</sup> Minyɔ sɔ mi gu mma loide mafɔ̀dɛdze iibabara mawẽ i kuira ame alasɔ iibawo ɔkate. Ira sɛɛ gu ilalaa iibawo mawẽ ɔɔɔe ɔɔe ɔɔe. Ikpawai gu idududu iibawo kakɔi kawẽ ɔwe ɔnya.

<sup>15</sup> Kristo gu Ɔbosam iibawo ara karɔ ɔnɔgu so. Ngbo ame i fɔ̀dɛdze gu ngo loifo ɔɔe iibawo mawẽ ɔbara ne.

<sup>16</sup> Aɔɔ gu Ƴaa iyo na kuira maabara masiaidzo. Alasɔ bo nde Ƴaa go mba ngbã isɔreyo. Le kumego i Ƴaa mɔmɔ ɔɔɔe sɔ, “Loawe i ma ndẽ, lose i ma ame, lode ma Ƴaa fie ma wũ maɔe wũ maturi.”

<sup>17</sup> Ne ɔso i Bosate ɔɔɔere ñ maturi sɔ,  
“Mibɔre i ma ndẽ,  
Si mibese so mibɔregu i iyɔsɔre iso.

Midaapepegu ma anyanyara  
iyɔ loafɔ mi.

<sup>18</sup> Fie loakpese mi Ɔse

Mi wũ mikpese me mabi birereĩ gu  
mabirɔgomi.

Ngbo i Ƴaa Ɔlesate to ɔɔɔe ne.”

## 7

<sup>1</sup> Go maye ara wagbe mase i bo iso ɔso ne manyii, mitã boseklera so boɔi i ira biara ne loapukutura bo sosina gu siwarã si bose sekelee i Ƴaa kuware gu kunigã ame.

*Paulo Ɔna Isoɔo I Korinto Maturi Ngbã Ikpaki Iso*

<sup>2</sup> Nto lobie sɔ miware mi nrɔɔ mifo bo alaso boixere mi kuwẽ fie boikpadzẽ kuwẽ bokigu i ɔri nyanyarĩa iso, ana ne, boide kuwẽ amumu.

<sup>3</sup> Loito loxe nnegbe sɔ si lotã mi ipɔ. Alaso loxe lofegu sɔ mifo bo kuɣa gbaã fie kukpi ame o-o, ngbã ame o-o ne, mawẽ boɔe.

<sup>4</sup> Lofɔ mi loɔe fie nse lopa so ala mi ɔso. I bo inyewe ɔɔɔɔɔ ame ne, loba katetere fie so ɔɔɔ me ala mi ɔso.

<sup>5</sup> Gɔ boba boabo Makedonia ne, boina iwarã kuiwẽ. Yee amɔrẽ ɔki alo bo i kakɔi biara gu kalo gɔ itã sɔ ifɔ ɔwe i bo ame.

<sup>6</sup> Yee Yaa gɔ nse ɔpia mma lofefẽ ɔto ɔpia bo kɔrɔ i kayiri iki i Tito iba ame.

<sup>7</sup> Iide Tito iba ɔnɔwẽ lopia bo isoɔɔ xee ɔɔere bo kumegɔ mitã wũ katetere. ɔɔere bo kumegɔ ito mi ɔkã sɔ mianya me, kumegɔ mito mimararã so i mi ikpi iti fie miledza so sɔ miafo me kanya ne, itã so ɔɔɔ me gbaã.

<sup>8</sup> Si wũ ɔko gɔ lotsere mi ɔtã mi isoma ne, iidaa me. Ibo me so gɔ lonya sɔ idaa mi ɔwi kurukutu.

<sup>9</sup> Yee kinio ne, so ɔɔɔ me, iide sɔ lopia mi isoma ɔso, xee sɔ mi isoma ɔtã mifiniki ɔso. Yaa ɔsu mi isoma ɔfinikira mi ɔbo so i kɔre ne ɔso ide mi kusia.

<sup>10</sup> Alaso si ɔturi ɔmararã so i Yaa ɔri iso ne, ise ibo ifiniki ne loatã wũ ngbã fie iibaɔaa wũ. Yee si ɔmararã so i kayiiso ara iso ne, kukpi ɔana.

<sup>11</sup> Minyɔ karabara ga i Yaa ɔsu isoma negbe ɔbara. Itã miɔo anɔ mibua. Itã sɔ mito mibie sɔ miase sekelee. Itã sɔ miise minagu ara lalaa isoɔɔ. Itã ifɔ pia i mi ame i ikpi iso. Itã mito minyɔ ara ɔri teteree. Itã mise mipia kube, fie itã

so mise mibie so miakpadzẽ kpibaradze kutsue. I ira biara ame ne, mite so miise mibara mawẽ ku ira lalaa.

<sup>12</sup> Ne oso atoa so lotsere oko gomɔ ne, iide ngɔ lobara iyere yee ngɔ mayere oso lotsere. Yee lotsere so si loɖi lote mi sekelee i Yaa katõ kumegɔ mise mipia kube i bo iti.

<sup>13</sup> Nnegbe lotã bo katetere ne.

Ibua i katetere ga bona iso ne, so oɔɔ bo i isoɔɔ ne i Tito ona i kumegɔ mi oɖuɖu otã õ otu okpase ose oso.

<sup>14</sup> Losu mi loɖe ndamu lotã wũ fie miipia me kunuare ana. Yee le kumegɔ i itõme biara ne loxere mi de onukuare ne, ndamu me loɖe i mi iso lotã Tito ana iide sila

<sup>15</sup> Si onyigi mi oɖuɖu atsue ikã, mi kuware gu kudɔe gɔ misu mifo wũ ne, mi ara se amõẽ wũ otu teteree abua.

<sup>16</sup> So oɔɔ me gbaã alaso losu iti losia i mi iso i ira biara ame.

## 8

### *Mitã Ara Wa Lobɔre I Mi Situ Ame.*

<sup>1</sup> Manyii, bobie so mitsue ara wa i Yaa abualera opia Makedonia mafodɔdze ole fie mabara.

<sup>2</sup> Mawe i ilainyɔ gu inyewe teteree ame. Atoa so mapia i kusa siare ame ne, maɖi kayiri matã ara ku isoɔɔ.

<sup>3</sup> Loawo ita osia otã mi so matã ara kumegɔ maawo. Loawo oɔɔe so matã ara maɖodza kumegɔ i ma ole se kanya. I ma mɔmɔ kudɔe ame ne,

<sup>4</sup> matã bo iti teteree so botã ma ori si ma wũ mađi ma kayiribielea mate iki i karatã ame itã mafoddedze ma i Yudea.

<sup>5</sup> Boinyo ori botã nne mabara ngbe kora. Mađe katõ masu so matã Bosate, ne kama iki i Yaa kudɔe ame ne, masu so matã bo bo wũ.

<sup>6</sup> Nnegbe oso Tito go lose karatã karabara gagbe karõ koko i mi ndě ne, bopia wũ otɔ so okelɛgu kã i katõ si owiri.

<sup>7</sup> Miose katõ i ira biara ame. Mi kafokađe gu ikađe gu inɔgba ooyi, mise mipia kubɛ i ira biara ame fie mito miɔɔe bo ana. Ne oso kinio ne, minyo so miasɛ katõ i abualera wagbe ibara ame ana.

<sup>8</sup> Iiđe mmara miđe nto lotã mi, ɣee maturi mama kubɛ ipia nto lose mi i katõ lonyo so nda i mi kudɔe osi.

<sup>9</sup> Miye Bosate Yesu Kristo abualera. Ranase ođe fie, ɣee mi oso ne, okpese werɛba so miaki i ñ siwerɛba ame mikpese maranase.

<sup>10</sup> Wũ adzuni nde so, karabara ga mise karõ ku igogowi ne, ialɛ so miawiri kã. Mi nde mađeakatõ ma lotã ara fie mi kora lođe katõ mibara adzuni wamɔ.

<sup>11</sup> Kinio ne, ikote so miawiri karabara ga karõ mise. Otɔ go ame misu mise karabara karõ ne, misu ñ ame miwiri kã ala ara wa miba kinio.

<sup>12</sup> Alaso si iđe mi kudɔe so miatã ara ne, Yaa aafɔ nne mitã, iiđe nne miina.

<sup>13-14</sup> Iiđe obie loto so si lopia mi ato lobua go nto lobereke mawě are. ɣee si ato iibađo kuwě ne, mibuai ma kinio go miba, iyo owi go mi wũ



miabo i imɔrẽ ame ne, ma wũ maɔbuai mi, iyo ira biara ɔkote.

<sup>15</sup> Le kumegɔ matsere mapia i Ɔko sekelea ame so, “Ngo losa ara gbodzoo kanya iife ina fie ngo lona kekẽĩ ẽ wũ ẽ ɔkpe iife ikoso.”

*Masese Tito Gu Mawẽ Korinto.*

<sup>16</sup> Siba boape Ƴaa so ɔtã Tito ɔpia so kube so ɔabuai mi le bo ame.

<sup>17</sup> Gɔ boɣere wũ so ɔba mi kɔre si ɔabuai mi ne, ɔtɔrã ala ide ẽ kuɖɔe koko so ɔaba.

<sup>18</sup> Boto bopia ma gu bo ɔnyii ɔwẽ gɔ i mafɔɖedze akuri ɔɖuɖu se male ala kumegɔ ɔse ɔpia kube i Itõme Bielea iɣe ame.

<sup>19</sup> Idua i nwagbe ɔɖuɖu iso ne, mafɔɖedze akuri ɔɖi wũ so ɔsiai bo i abualera karabara gagbe ibara ame. Karabara gagbe ne, ɔbara boto bobara so si bodji Bosate ile gu bo kuɖɔe gɔ boba so boabuai bote.

<sup>20</sup> Boto bodzuẽ so so boibatã kuwẽ ɔɖe ika i kumegɔ bobara karatã ga i maturi ɔɖi kayiri matã iso.

<sup>21</sup> Bo adzuni nde so boabara nne nle i maturi gu i Bosate ɔɖuɖu anɔ.

<sup>22</sup> Ne ɔso boto bopia bo ɔnyii gɔgbe bosiaira ma ne. Bookere wũ bonyo i siri agbãagbã iso fie bonya so ɔse ɔpia kube gbaã. Idua i ne iso ne, ɔdua ɔfo mi ɔɖe gbaã ne ɔso ɔto ɔbie so ɔabuai mi ne.

<sup>23</sup> I Tito wũ burise kase ne, marabaradze laa boɖe i mi ndẽ. Manyii tsɔra ne, mafɔɖedze akuri kanya maba fie mase maware Kristo.

<sup>24</sup> Midji mi kuɖɔe mite ma si mafɔɖedze ɔɖuɖu aatsue so iide ndamu siefe boto boɖe i mi iso.

## 9

*Mafɔɔdɛdze Mama Ibuai.*

<sup>1</sup> Gbaã ne, iinya sɔ loatsɛɛ mi ɔko i karatã ga boɣe sɔ boatã mafɔɔdɛdze wɛɛɛba ma i Yudea iso.

<sup>2</sup> Loye sɔ mito mibie sɔ miabuai fie loɔɔɔ ndamu i mi iso lotã Makedonia maturi sɔ, “Ta igɔɔɔwi ne, manyii ma i Akaya ɔɔledza sɔ sɔ maabuai.” Mi kuɔɔɔe gɔɔɔbe ɔpia manyii tsɔra ɔto.

<sup>3</sup> Kinio ne, nto lopia manyii magbe mi kɔɛ si maanya sɔ bo ndamu mɛ boɔɔ i mi iso i ara wagbe ame iide siefe. Le kumɛgɔ bose boɣere ma sɔ mioledza so ne, loabie sɔ miledza so fie maaba.

<sup>4</sup> Yesi si Makedonia maturi ɔsiai me maba maanya sɔ mioledza so ne, kunuare to kuakpɛ bo fie mi kunuare nto kuasi kuɔɔo alasɔ mato maabu sɔ bofe mi ifo iɔe kaɔu.

<sup>5</sup> Ne ɔso inya sɔ loapia manyii magbe loɔɔegu katɔ si mabuai mi mibie ara wa miye sɔ miatã mise. Si mibie karatã mise fie boba ne, iate sɔ ɔɔɔɔe mioɔɔe sɔ miatã ara ɔso fie mitã ne iide ɔɣie ɔso mitã.

*Yaa Se ɔɔɔe Ngo Nse ɔtã Ara ɔboɣegu I ɔ ɔtu Ame.*

<sup>6</sup> Mitã ikpa mi sɔ ngo nse ɔpe ɔraɔui garagara ne, ara kekei kere ãana. Yesi ngo lope ɔraɔui gbodzoo ne, ɔto ãafɛ ara gbodzoo.

<sup>7</sup> Ne ɔso mi ndɛ ɔbiara keke si ɔtã nne ɔɣe ɔse. Iide ɔɣie yee kaboso ame, alasɔ Yaa se ɔɔɔe ngo nse ɔtã ara ku isoxo.

<sup>8</sup> Fie Ƴaa to ñawo mi ira biara otã so miana ara mido nwa odudu lonya mi so owi biara ne, miawo obuai i karabara see biara ame.

<sup>9</sup> Oko Sekelea oge so,

“Ose okurisi ñ korõ ame otã mawereba,  
fie ñ kayiribielea na kawirikõ.”

<sup>10</sup> Ƴaa go nse otã kpẽdze oradui pea gu aradea ne, oto ñatã mi odui go miape fie ñatã ole kukaako so miafẽ ara gbodzoo ala kumego mitã ara ku otu oso.

<sup>11</sup> Oto ñatã midẽ maranase siare so miawo ara otã owi biara ame so maturi aape Ƴaa siba i mi karatã ga mafõ maboregu i bo kore oso.

<sup>12</sup> Alaso karabara ga mibara ngbe ne, iide mafodẽdze onowẽ inyaa kaɗae, gee itã maturi gbodzoo ope Ƴaa siba

<sup>13</sup> Si mipia kube mitã ibuai negbe ne, maturi to maale Ƴaa so mifo Kristo Itõme Bielea, mikã atsue fie mito ara mitã ma gu maturi mama.

<sup>14</sup> Mato maasu situ gɔa makparama kayi i mi iti ala abualera siare wa i Ƴaa otã mi oso.

<sup>15</sup> Mitã bope Ƴaa siba i karatã ga karõ boibawo ono fie osu otã bo iti.

## 10

### *Paulo Okpẽ I O Karabara Ga Oto Obara Iti.*

<sup>1</sup> Mme Paulo momo losu Kristo karõ iboso gu otu gɔa nto loka mi. Mme go mise miye so si lopia i mi kore ne, loɗe oturi gɔa, gee si loorui i mi kore ne, lookpese oturi go mba ole.

<sup>2</sup> Loto mi i kukpa so midaatã lowe ole i mi iso si loba alaso lofo loɗe so loawo ole owe i mma nto

maye so sosina ame adzuni kanya boto bobara ara.

<sup>3</sup> Gbaã ide so kayi ame bopia xee boise bokpẽ ku ala kayiiso adzuni.

<sup>4</sup> Alaso bo akpapkẽra iide kayiiso are, xee Yaa akpapkẽra wa mba ole fie ase awo tsirise kuwerekõ go mba ole obiebie wosowoso ađe.

<sup>5</sup> Wã ame bose bosu bonina mila kakpadzẽ biara ana ne. Bose bobie ori atẽra wa oduđu lota aye i Yaa itsue iso. Bose bomõẽ adzuni oduđu sisande so aakã Kristo atsue.

<sup>6</sup> Fie si mi Kristo atsue ikã oyi ne, ka boto boawo atsue idaakã biara kutsue okpadzẽ.

<sup>7</sup> Mito minyo ara i siturina kanya. Mawẽ pia i mmõ go mase mabu so Kristo mare mađe? Mitã mabu so ngbo alaso bo wũ Kristo mare bođe le ma ame.

<sup>8</sup> Si loofe ndamu ide ido kumego ikote i ole go i Bosate otã bo so bosu bokararã mi iso fie iide so bowora mi iso ne, kunuare iibakpẽ me.

<sup>9</sup> Loito lobie so ite le ifõ nto lopia mi i wũ oko go lotsere ame.

<sup>10</sup> Alaso mawẽ to maye so, "Paulo siko ba ororã sitidza maturi, xee si o pia i bo kore ne, oturi xoa ođe fie õ atõme ana na karõ."

<sup>11</sup> Lobie so mmamõ si matsue so ikpaki kuiwẽ na i siko dze bose botsere mi gu nne bose bobara si bopia i mi ndẽ ame.

<sup>12</sup> Iito bo okã so boasu so bokateragu mma nto makole so kato so mafe inya. Ma momõ lose akparĩ wa masu mato makere so ala, fie si ma momõ akparĩ masu mato makere so ala ne, iyo iikpa ma.

<sup>13</sup> Bo ne, boibade ndamu bofe kume, γεε boatui i ngbego i Yaa ose otã bo fie karabara ga bobara i mi ndë ana pia i ne ame.

<sup>14</sup> Bo nde maturi deakatõ ma losu Kristo Itõme Bielea bobo mi. Ne oso si boto bođe ndamu i mi iso ne, boiwara kume alaso bobara karabara boba boabo i mi ndë.

<sup>15</sup> Ne oso boise bođe ndamu miwara mibo i maturi mama karabara ame. Υεε, i ne kanya ne, bo oriinyo nde so mi kafokade aamo fie bo karabara i mi ndë ana aamo kabua le kumego i Yaa obie.

<sup>16</sup> Iyo boawo Itõme Bielea oye ofe mi bokela nrõ mama iso go iisibanya so boade ndamu i maturi mama karabara ga maõbara iso.

<sup>17</sup> Le kumego matsere mapia i Oko Sekelea ame so, "Si orere aade ndamu ne, ođe ndamu i Bosate iso."

<sup>18</sup> Alaso iide oturi go nse okole so kato nde ngo lokote, γεε ngo i Yaa se okole kato.

## 11

### *Midaatã Tsirise Si Onina Mi Adzuni.*

<sup>1</sup> Mikafara, nto lobie so loabara idzimira iwẽ, ne oso mifo mitã me.

<sup>2</sup> Nto lokpẽ sirere i mi iti le kumego ame i Yaa se okpẽ. Mise me le obite go lookare lotã Kristo momo onowẽ so ãayiri

<sup>3</sup> Υεε nto lonigã so kumego ame i aye osu inogba asosola Eva fie obara ikpi ne, mi wũ mawẽ to maakpokpõtora mi adzuni so miisibade onukuare misumu Kristo i otu sekelea ame.

<sup>4</sup> Alaso ɔbiara go loba mi kɔre ɔto ɔɣe Yesu mama itɔme ne boiba boaxere mi ne, mise mifo wũ mala. Ngbo ame mise mifo siwarã gu itɔme ne loide Yaa Siwarã gu ɔ itɔme fie iibɔre i bo kɔre miɔe ne.

<sup>5</sup> Loifo loɔe so mi katɔmemasedze kɔlea mamɔ le maɔo me i ɔri kuwẽ iso.

<sup>6</sup> Atoa so ɔnyagemi iise ɔta me kukaako ne, loye ara gbodzoo. Gbaã ne, botã nnegbe ame ɔkpa mi i ɔri biara iso.

<sup>7</sup> Loifo mi kuso kukuwẽ ku ɔwi go loba loaxere mi Itɔme Bielea. Yee lobo so karɔ so si maakɔle mi kato, nnegbe ana ne ikpi lobara?

<sup>8</sup> ɔwi go nto loye Itɔme Bielea i mi ndẽ ne, mafɔɔdedze mama karatã karabara lobara i mi iso, go maawo ɔɣe so loyu ma losu lobuai mi.

<sup>9</sup> ɔwi go lopia i mi kɔre fie ara ɔnya me ne, loidaa mi kutsue, yee manyii ma lobɔre i Makedonia maba lotã me wũ ara nyaa. Ne ɔso loikpese kuwẽ ato fie loibabara ana.

<sup>10</sup> Ayi kumegɔ i Kristo ɔnukuare pia i wũ ame ne, kuwẽ iibawo me ɔri ɔtẽ so lodaade nnegbe ndamu i Akaya awo ame.

<sup>11</sup> Be ɔso? So loito loɔe mi ɔso? Yaa mɔmɔ ye so nto loɔe mi.

<sup>12</sup> Loakelegu i katɔ so loibafɔ kuirã lobɔregu i mi kɔre. Iyɔ loibatã mma nse makpere so so katɔmemasedze ɔri kuwẽ so maakɔle so kato so mato mabara karabara le kumegɔ ame boto bobara.

<sup>13</sup> Mmagbe ne, mila katɔmemasedze gu mila marabaradze maɔe. Mabara so le Kristo katɔmemasedze maɔe yee maiɔe.

14 ƳEE ina ɣaa alaso Ɔbosam kɔra se ɔsɔsɔla maturi so Ƴaa kpabo go nse ɔfie ɔde.

15 Ne ɔso ina ɣaa so ɔ masiaidze to mate so le sibɔlɔlɔ maɖabo maɖe. Ma kawirikɔ to kaakategu ma kurabarara.

*Paulo Inyewe Le Katɔmesedze Awe.*

16 Lobie so loledza mi ixere so kuwɛ si ɔdaabu so iikpa me. ƳEE si ɔrere ɔbu ngbo ne, mifo me le ngo iikpa si mme wũ loakelɛgu i katɔ loɖe ndamu kekeĩ.

17 Gbaã ne, nne nto loɣe i ngbe ne, iide Bosate lotã me ɔri so loɣe ngbo, ɣee nto loɖe ika le kumɛgo i ngo iikpa se ɔna katetere ɔde ndamu.

18 ƳEE go kayiiso ara i maturi gbodzoo se masu maɖe ala ndamu ɔso ne, mme wũ loasu wã loɖe ala ndamu.

19 Go mi momo de manɔgbadze kaɖu ɔso ne, mise mina ɔtu mikã mma iikpa atsue.

20 Fie si ɔrere ɔsu mi ɔbara masande, ɣee ɔbara mi ira boa, ɣee ɔde mi amumu, ɣee ɔiware mi ɣee ɔpe mi ɔrɔta i katɔ ne, mise miɣara so mitã wũ.

21 Ide me kunuare so lotɔrã losia so mafɔdze boɖe ɔso boibara ara wagbe.

ƳEE ira biara ne i ɔrere aasu ɔde ala ndamu ne, mme wũ loawo ɔsu ɔde. Mme wũ ka loɖe ika le ngo iikpa.

22 Si ma so ma Hebrise maɖe ne, mme wũ ɔ loɖe. Si ma so ma Israelse maɖe ne, mme wũ ɔ loɖe, fie si ma so Abraham mawa maɖe ne, mme wũ ɔ loɖe.

23 Wũ ikade to iare ngo nto ɔlala. Ma so Kristo maɖabo maɖe? Loɖe Kristo ɔɖabo see loɖo ma

fiε loɔbara karabara loɔo ma ɔɔɔɔ. Loore i iyo loɔo ma, maore me teteree maɔo ma fiε loobore lobo kukpi ɔwi gbodzoo.

<sup>24</sup> Ikpe iru buu i ma Yudase ɔpe me ala iporoibi ikpe site-kaiwẽ.

<sup>25</sup> Fiε ikpe ite i ma Romase ɔpe me ala ma kudzirii. Mapε me ata ɔkpe ɔwẽ. Ɔkolo ɔɔbiegu me i ndu iso ikpe ite. Fiε loowe i ndu ame kasẽ ɔɔɔɔ ku ikpenε iwẽ buu.

<sup>26</sup> I wũ irise gbodzoo ame ne, loobo i amɔrẽ agbãagbã ame. Siwore ɔɔyi simɔẽ me ikpe sirẽsirẽ, loobo i mayukukpe nrɔɔ ame. Loobo i imɔrẽ ame i ma Yudase gu mma loiɔe ma Yudase nrɔɔ ame. Loobo i imɔrẽ ame i simagẽ ame, fafuĩ ame, ɔpo iso gu mila manyii nrɔɔ ame.

<sup>27</sup> Loopia kube lobara karabara teteree, lose kasẽ sire idaare ayi gbodzoo, lose kukã, ɔme ɔkore me, fiε lona nne loade. Ɔyu ɔkpẽ me, lona kabokɔ fiε lona nne loapia ana.

<sup>28</sup> Idua i nwagbe ɔɔɔɔ iso ne, wũ ɔtu ɔta ɔɔe so iso ala mafɔɔɔɔde akuri atɔme sia me iso.

<sup>29</sup> Si ɔrere sɔ ɔɔfẽ ne, me loɔfẽ loɔo, fiε si mako ɔrere mapia i ikpi ame ne, ise ibie me ɔtu.

<sup>30</sup> Si inya sɔ loade ndamu ne, ara wa ame nna ɔle loasu loɔe ala ndamu.

<sup>31</sup> Ƴaa go nde Bosate Yesu Ɔse fiε ɔ boale ɔwi biara ne, ɔɔe sɔ nwa ɔɔɔɔ nto loɔe ngbe ne, loito lola sila.

<sup>32</sup> Ɔwi go lowe i Damasko ne, abã ɔkpakpa go nto ɔbara karabara i Igara Areta kayirino ɔtã madzue ɔmagẽ kuyogodɔ sɔ si mamɔẽ me.

<sup>33</sup> Ƴεε masu me mapia i isese ame makigu i



ibere iyoi ame lotere wũ iso.

## 12

<sup>1</sup> Atoa sɔ kusia kukuwẽ na i ndamu idɛ ame ne, ikote sɔ loadɛ ndamu. Kinio ne, loakɛlɛgu i katõ loyɛ idj ite gu ara wɛrɛa wa i Bosate ɔdj ɔte me iso.

<sup>2</sup> Loyɛ Kristo ɔre ɔwẽ gɔ i Bosate ɔsu ɔkɛlɛgu kudokpo tɛare i akɔ aweo-ana wa lofe ame. Sosina ame ɔwe o-o siwarã ame ɔwe o-o ne, loibawo ɔtsue, γεε γαα ã ɔye.

<sup>3</sup> Mme sɔ loyɛ ɔrɛrẽ ɔwẽ gɔ masu makɛlɛgu kato. γεε lɛ nto loyɛ ne, loiyɛ si sosina ame idɛ ɔkɛlɛ, γεε siwarã ame idɛ, γεε γαα ã ɔye.

<sup>4</sup> I Paradiso mmɔ ne, ɔrɛrẽ gɔgbe ɔnɔ ara wa maitã ɔri sɔ maxɛ gu nwã karõ ãibawo ɔdj.

<sup>5</sup> Ne ɔso loadɛ ndamu i ɔrɛrẽ gɔgbe iso, γεε iide mme mɔmɔ iso. Si loadɛ ndamu ne, ara wa lote sɔ lona ɔle kuwẽ iso loadɛ.

<sup>6</sup> Fiɛ si mme sɔ loadɛ ndamu kɔra ne, loibaɛ ngɔ loikpa anɔ, alaso loibaɛ ara wa loide ɔnukuare. γεε loibaɛ ndamu fiɛ maturi aaba maabu sɔ loɛ ɔturi siare loɔ kumɛgɔ ikote i wũ ikadɛ gu kurabarara ame.

<sup>7</sup> Ne ɔso si loibaɛ ndamu i awawãra gbodzoo wa lonɔ ɔso ne, γαα ɔsu ɔnyɛ gɔ nɛɛ ɔbo lɛ siyu ɔpia i wũ ame. ɔnyɛ gɔgbe se lɛ ɔbosam kpabo sɔ ɔpɛ me si loibakɔlɛ so kato.

<sup>8</sup> Ikpɛ ite lokparama kayi loyɛrɛ γαα sɔ ɔdj ɔnyɛ gɔgbe i wũ ame.

<sup>9</sup> γεε ɔyɛrɛ me sɔ, “Wũ abualɛra ndɛ nɛɛ lonya-ɔ, alaso wũ ɔle sɛ ɔte i fɔ ɔle idaawe ame

obua.” Ne ɔso so aaxɔ me fie loawo ndamu ɔde i wũ ɔle idawe iti si Kristo ɔle aawe i wũ ame.

<sup>10</sup> Ne ɔso si lona ɔle fie mato matia me, xee nto lowe inye, xee mato mati me kama, xee ara to awe me ɔle ne, ɔtu se ɔxɔ me ala Kristo ɔso, alaso si lona wũ iso ɔle ne, ne nse lona Kristo ame ɔle ne.

*Paulo Imararãso I Korinto Mafɔdedze Iti.*

<sup>11</sup> Nto lobara ara le ngo iikpa, xee mi lotã nto lobara ngbɔ alaso mi ikote sɔ miale me fie. Katɔmemasɛdze kɔlea mamɔ iile maɔo me i ɔri kuwẽ iso atoa sɔ loide kuiru.

<sup>12</sup> Awawãra siare gu akparĩ gu ɔle karabara ga lobara i mi ndẽ ku ɔtu xɔa kerekere ɔte sɔ katɔmesɛdze mɔmɔ loɔe.

<sup>13</sup> Ira sɛɛ iwẽ pia gɔ lobara lotã mafɔdedze mama fie loitã mi? Eɛberɛ sɔ loikpese ato i mi iso ɔso? Misu iɣere nɛmɔ mitse me.

<sup>14</sup> Ɔkpe tɛare nto lobie sɔ loba mi kɔre ne, xee loito lobie mi ibuai kuiwẽ. Mi mɔmɔ nto lobie ne iide mi sikã alaso iide mabi nse mabie karana mafu ma mayese xee mayese nse mabie mase mabi.

<sup>15</sup> Iba me ɔmerẽ sɔ loabara wũ karana ɔduɔu gu ɔle karabara i mi iso. Be ɔso miibaɔɔe me si mme nto loɔe mi wodoro ngbɔ?

<sup>16</sup> Mianɔgu me karɔ sɔ loikpese mi ato. Xee mawẽ aaxɛ sɔ inɔgba losu nto losɔsɔla mi.

<sup>17</sup> Loki i mma lopia mi ɔwẽ iso loɔe mi amumu?

<sup>18</sup> Lope Tito nrɔɔ sɔ ɔkele fie loɔi fɔdedze ɔwẽ ana losiaira wũ. Tito ɔba ɔaɔe mi amumu? Iide adzuni awẽ aɔe bo, fie iide ɔbara ɔwẽ ɔde bo?

19 Ōbu mito sɔ ɔwi gɔgbe ɔɖuɖu ame ne kanya boto bodi sɔ? Ooɔo! Boto boɖe mi ika le kumegɔ i Kristo aabie sɔ boɖe mi ika i Ƴaa katɔ. Fie ira biara ne boabara ne, bo manyii, bɔse bobara si bosu bobuai mi

20 Nto lonigã sɔ kumegɔ lonyɔ ɔri sɔ mise ne, loibaba loanya mi ngbo. Fie mi wũ kumegɔ minyɔ ɔri sɔ lose ne, miibanya me ngbo. Nto lonigã sɔ loaba loatu kalo, kanɔbɛbɛ, sikipã, wũ ɔnɔwẽ saã ɔkpe, maturi iyere inina, maturi iso ara iɣe, kato ikɔleso gu iɣeɣeso i mi ndě.

21 Nto lonigã ana sɔ ɔwi gɔ loaledza mi kɔre iba ne, wũ Ƴaa to ɔabo me karɔ i mi katɔ sɔ loabie i mma lobara akpi wa nde asɔrɔra, anyanyara mafegu fie maifiniki iti.

## 13

### *Paulo Kuka Tsɔra Gɔ Ɔtã Ma Korintose.*

1 Ōkpe tɛare nto loba mi kɔre ne. Le kumegɔ i Ōko Sekelea ɔɣe ne, “Itɔme biara ne maɔɣe i ɔturi iso ne, ikote sɔ maɖansie aade maturi inyɔ ɣee ite ma nto maɣe itɔme iwẽ fie miatã ɔnyiio ipɔ.”

2 Gɔ loba mi kɔre ɔkpe nyɔare ne, losẽ lotã mma lobara ikpi mafegu fie loka ɔbiara ana. Kinio gɔ lona i mi kɔre ne, loto loledza ma ika sɔ manyua alasɔ si lokpese loba ne, loto loakpadzẽ ma ɔɖuɖu kutsue.

3 Mito miana ita isiara ɔɖuɖu ne mito mibie sɔ Kristo se ɔki i wũ iso ɔɖe mi ika. Ōide ɔturi gɔ nna ɔle alasɔ ɔ ɔle to ɔbara karabara teteree i mi ndě.

<sup>4</sup> Ɖwi gɔ mapɛ Yesu mamatāra i kudziri iso ne, ɔse nyɔkɔ̄tɔ̄ɔ̄, ɣɛɛ Ƴaa ɔtara wū ɔbo ngbã ku ɔle. Bo ma lobaragu wū mawě ne, bose nyɔkɔ̄tɔ̄ɔ̄, ɣɛɛ Ƴaa ɔle ɔregēra bo, ne ɔso bo wū boawo nne ikote sɔ boabara i mi ndě ɔbara.

<sup>5</sup> Mikere so minyɔ sɔ mikpese miɣɛ i kafɔkaɖe ame ana. Mikpa so kukaako. Miinya sɔ Kristo Yesu pia i mi ame? Si ɔna miina kayakpa ne, iyo ɔna i mi ame.

<sup>6</sup> Ƴɛɛ lofo loɖe sɔ mito mianya sɔ boba kayakpa kukaako.

<sup>7</sup> Boto Ƴaa i kukpa sɔ ɔbuai mi sɔ miibabara iɣere kuiwě. Iiɖe sɔ si ite maturi sɔ bo ne, boba kayakpa, ɣɛɛ si miabara isɛɛ, atoa sɔ ite le boɔno isɛɛ ibara.

<sup>8</sup> Alaso boibawo kaira ɔbara ɔta ɔya i ɔnukuare iso, ɣɛɛ boabara nne loapuāra wū bowū.

<sup>9</sup> So se siɣɔ bo si bose nyɔkɔ̄tɔ̄ɔ̄ fie mi miba ɔle i kafɔkaɖe ame, ne ɔso bose bokparama kayi sɔ mikelɛgu i katɔ̄ mimɔ miyi pɔpɔɔpɔ.

<sup>10</sup> Nnegbe ɔso loto lotsere ɔko gɔgbe lotã mi gɔ lona i mi kɔre sɔ si loba ne, wū kɔrɔ̄ iibafe ɔrɔrã iwe i mi iso iki i ɔle gɔ i Bosate ɔtã me ala ɔ̄ karabara ɔso ne. Ɖtã me ɔle gɔgbe sɔ losu lobuai mi ne iiɖe sɔ losu lowɔra mi ala.

<sup>11</sup> Kawirikɔ̄ ne, wū manyii, miwe kukaako, si miyi pɔpɔɔpɔ. Mibara i wū kuka iso, mi adzuni si aɖe awě si miwe i isobue ame. Ƴaa gɔ nse ɔɖɔe maturi awune fie ɔse ɔtã isobue si ɔwegu mi.

<sup>12</sup> Miya mi malaa i Ƴaa kuɖɔe ame.

<sup>13</sup> Mafɔɖedze ɔɖuɖu sɔ maya mi o-o.

<sup>14</sup> Bosate Yesu Kristo abualera, Ƴaa kuɖɔe gu Siwarã Bielea sinyii ibara si iwegu mi ɔɖuɖu.

## **Siwu**

### **Siwu: Ndamu Yεε Siwu New Testament**

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source files dated 26 Apr 2025

b5020a1a-c7b9-512a-9b46-1e462be571d4